



Broj: 02-11-2392-L1.1/21

Datum; 07.01.2022 godine

Na osnovu člana 72. stav (3). tačka d), a u vezi sa članom 70. st. (4). Zakona o javnim nabavkama („Sl. glasnik BiH“, broj 39/14), u postupku javne nabavke radova: Lot 1 - Rekonstrukcija gradskog vodovoda „Starička rijeka“ u Kladnju – etapa: Rekonstrukcija transportnog cjevovoda, Općinski načelnik donosi

ODLUKU

o poništenju postupka javne nabavke

Član 1.

Poništava se postupak javne nabavke radova za: Lot 1 - Rekonstrukcija gradskog vodovoda „Starička rijeka“ u Kladnju – etapa: Rekonstrukcija transportnog cjevovoda, iz razloga što je izabrani ponuđač „TEHNOMETAL“ doo Vlasenica nakon zaključenja ugovora propustio dostaviti garanciju za izvršenje ugovora u skladu sa uslovima iz tenderske dokumentacije i u roku koji mu je odredio ugovorni organ, a nema drugih nižerangiranih ponuđača kojima bi se moglo ponuditi zaključivanje ugovora.

Član 2.

Za izvršenje ove odluke zadužuje se Služba za budžet, finansije i poduzetništvo.

Član 3.

Ova odluka objavit će se na web-stranici <http://www.kladanj.ba/>.

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke okončan je Odlukom o izboru najpovoljnijeg ponuđača br.02-11-2392/21 od 26.11.2021 godine, kojom se ugovor dodjeljuje ponuđaču „TEHNOMETAL“ doo Vlasenica, kao jedinom ponuđaču u okviru Otvorenog postupka javne nabavke.

Nakon protoka roka utvrđenog Odlukom o izboru najpovoljnijeg ponuđača, ugovor je dostavljen na potpis predmetnom izabranom ponuđaču, koji je i potpisan dana 20.12.2021 godine.


Članom 6. ugovora predviđeno je da Ugovorni organ traži/zahtijeva garanciju za uredno izvršenje ugovora, a da je iznos garancije za uredno izvršenje ugovora 10 % od vrijednosti ugovora bez PDV-a. Garancije za uredno izvršenje ugovora dostavlja se u originalu u roku od 10 dana od dana zaključivanja ugovora. U slučaju da izabrani ponuđač ne dostavi garanciju za uredno izvršenje ugovora, zaključeni ugovor se smatra apsolutno ništavnim. U tom slučaju ugovorni organ će ponuditi zaključivanje ugovora drugorangiranom.

Obzirom da je ugovor potpisan dana 20.12.2021 godine, izabrani ponuđač je bio dužan dostaviti ugovornom organu garanciju za uredno izvršenje ugovora do 31.12.2021 godine, te kao je propustio dostaviti garanciju za izvršenje ugovora u skladu sa uslovima iz tenderske dokumentacije i u roku koji mu je odredio ugovorni organ, a nema drugih nižerangiranih ponuđača kojima bi se moglo ponuditi zaključivanje ugovora, stekli su se zakonski uslovi za poništenje postupka javne nabavke.

Iz navedenih razloga, primjenom člana 72. stav (3). tačka d), a u vezi sa članom 70. st. (4). Zakona o javnim nabavkama („Sl. glasnik BiH“, broj 39/14), odlučeno je kao u članu 1. ove odluke.

Dostaviti:

- U spis predmeta, 1x,
- Služba za budžet, finansije i poduzetništvo, 1x
- Za objavu na www.kladanj.ba, 1x
- a/a. 1x



OPĆINSKI NAČELNIK
Jusuf Čavkunović, dipl.ing.